

隄堰

古蹟

書院

祠廟

湖南全省掌故備考

卯

阮壇
書院

古蹟
祠廡

湖南全省掌故備攷
甲

湖南全省掌故備考卷二

隄堰

長沙府

梅隄 長沙縣宋張栻詩亭亭隄上梅歷歷波閒影歲晚憶夫君寂

寞煙浩靜

龜塘 縣東錄異記太始中有神龜皎然白色長四五尺出水中巡

行岸上故名宋史食貨志初馬氏於潭州東二十里因諸山之泉

築隄渚水號曰龜塘溉田萬頃其後隄壞歲旱民皆阻饑

陸公隄 善化縣南明知縣陸南陽築外防江水內障民田

龜塘 縣南明知縣唐源修築延袤二十餘里灌田數千頃

湖南全省掌故卷二
南隄 湘陰縣東宋縣令黃洪祠築

調塘 湘潭縣東俗名兆塘下有龍池禱雨輒應又名龍霖潭
雨陂 攸縣境明指揮蔡國甯開鑿

衡州府

馬王塘 衡陽縣西大可百畝五代時馬殷所鑿

畧塘 縣西水經注承水東合畧塘相傳云此塘中有銅神今猶時
聞銅聲於水水輒變綠作銅腥魚爲之死

石盧塘 耒陽縣水經注肥川之北有石盧塘塘地八頃其深不測
有大魚常至五月輒一奮躍水湧數丈細魚奔迸隨水登岸不可

勝計

八方泉塘 縣西北其水三月盈八月涸俗呼爲八分泉

永州府

司馬塘 零陵縣城北門外以唐柳宗元得名

潭塘 縣東北相傳昔有民得一鰻魚將烹有老叟曰龍也恐禍及民怒以爲誕排之翌日一村俱陷

橫塘 祁陽縣東岸闊潮平淳膏蓄黛是爲上下橫塘

魚塘 甯遠縣南明萬曆中知縣蔡光築民得灌溉之利

碧虛塘 縣東南南宋天聖間築

寶慶府

朱公隄 武岡州西南明萬曆四年知州朱諭築自峴頭至城東

渠水合處縣亘數里

蒙公隄 州東明嘉靖十四年州同知蒙大賚築

江隄 新甯縣西北明萬厯間知縣汪紹英築今江岸石址猶存

岳州府

白荆隄 巴陵縣東宋樊岳陽風土記閤子鎮有白荆隄石壁潭在其下明成化中知府吳節增築嘉靖中知府蕭晚重修一名樊荆隄

偃虹隄 縣西洞庭湖側宋慶厯間知軍州滕宗諒築歐陽修有記胡寅詩狎水蚩蚩忘墊溺何人能續偃虹隄案宋王得臣塵史云治平中余宰巴陵曾訪是隄郡人曰滕侯未及爲而去又風土記

岳陽城隍湖東北滕子京待制欲爲堰虹隄以捍之屬移郡不果
据此則隄固擬築而未成也

永濟隄 縣北城隄礪明成化中知府李鏡築李東陽有記

趙公隄 臨湘縣東元泰定間縣尹趙憲築長三十餘丈

新橋隄 縣東長五十四丈明邑人傷一鵬築

黃封隄 華容縣東宋至和間縣令黃照築旋繞城郭十五里

常德府

石堰 武陵縣北唐書地理志長慶二年刺史溫造增修開後鄉

渠九十七里溉田二千頃造以起居舍人出爲刺史故以官名二

名石英渠

考功堰 縣東北唐書地理志長慶元年刺史李翱因故漢樊陂開

溉田千一百頃即以尚書考功員外郎出爲刺史故以官名

北塔堰 縣西北唐書地理志刺史李瑄增修接古尊坡山黃土堰
注白馬湖入城隍及故永泰渠溉田十餘頃

永泰渠 縣北唐書地理志光宅中刺史胡處立開通漕且爲火備
津石陂 縣北唐書地理志本聖歷初令崔嗣業開李翱溫造亦從
而增之溉田九百頃

槎陂 縣東北唐書地理志云崔嗣業所修以灌田後廢大業五年
年刺史韋夏卿復治槎陂溉田千餘頃十三年以堰壞廢

崔陂 縣東北卽古放鶴陂梁崔穆於此羅雙鶴因放之後鶴銜雙

壁置穆庭中故名後湮塞唐崔嗣業復之後又廢

古葦陂 縣西北唐刺史李璡增修溉田甚溥俗號洗馬陂產葦萊
純紀陂 在縣境通典云今名白馬陂隋開皇中刺史喬難陀修其
利不減鄭白二渠

上石匱下石匱 皆在縣境後唐同光初副將沈如常建壘石江邊
以禦水勢

中石匱 府學前元延祐六年常德路監哈珊建高二丈餘

杜青隄 桃源縣境長千餘丈明萬厯間知府張鵬築俞一輔有記

大圍隄 龍陽縣北縣亘百二十里長三萬五千八百餘丈明成化

中知縣尉秦建後屢決屢復天啟初同知錢夢松又增修之龍膺

爲撰重築大園隄德政碑

李公隄 縣北長二千八百餘丈明嘉靖十三年薛炳重修今名李公障

辰州府

蓮花塘 院隄縣西北五代馬希範之將同元和所浚

永順縣

三塘 龍山縣南每塘相距半里許一日三潮潮起水隘居民環置

機春

靖州

藕塘 會同縣東明成化中知縣劉永建

澧州

管公隄

州東明知州管承泰建華陽王朱玉有記

千工隄

州有魯家坪子姓蕭衍云係魯秋胡後有桑園故址其淘

米堰可畝許石陂四周云魯氏用以淘米有千工隄云秋胡乘船
遊戲處州人掘得方石有八日牛兒耕夜月三千種子播陽春之
句

上九垸下五垸

安鄉縣境有圍城文明羅陽中和黃隄劉孟張壤

板橋惠明等垸爲上九垸又有興家實惠新家太和合家等垸
堤爲下五垸明萬厯間同知王士華築楊繼韶有記

桂陽州

魯塘 州境塘產瑞荷土人呼爲荷衣塘

湖南全省掌故備考卷十二

古蹟

長沙府

潭王府

長沙縣明洪武中建厯襄吉諸王今其地建倉土人名曰

王城隍

易元吉故宅

縣西宋易元吉工畫於舍開園馴養禽獸以資畫意

劉蛻故宅

縣城西北唐進士劉蛻所居

賈誼故宅

縣濯錦坊水經注郡解西陶公廟舊是誼宅地中有一

井是誼鑿上斂下大其狀似壺旁有一腳石牀纔容一人坐形流

俗相承云誼宿所坐牀又有大柑樹亦云誼所種唐劉長卿戴叔

倫有詩

黃忠故宅 卽長沙衛署其盛甲器械存北門城樓明巡按查驗登

報後燬於兵

戴氏堂 府治東唐戴簡築柳宗元有記

入景臺 縣驛步門外宋嘉祐中築宋迪作圖陳傳良建二亭於旁

入景曰瀟湘夜雨洞庭秋月遠浦歸帆平沙落雁烟寺晚鐘漁村
夕照山市晴嵐江天暮雪米芾及元揭傒斯陳孚明宣宗薛瑄李

夢陽有詩

望湘亭 縣西湘江濱亦名沱江亭唐劉長卿元稹李羣玉鄭谷有

湘江亭詩

湘水亭

縣西唐魏萬成所居劉長卿詩蕭條方歲晏牢落對空洲

楚秀亭

縣西唐裴休建一名裴公臺宋范成大詩且登裴公臺半

日心眼寬

流杯亭

城內五代馬氏修禊處下有池宋徐蘭皋詩梵王宮闕馬

王宮惟有樓臺帶晚風屬玉不知興廢事雙雙飛入藕花叢

白鶴亭

城外西湖橋下白鶴觀宋移建橋上今廢

春暉亭

縣北宋蘇軾有題潭州徐氏春暉亭詩

熊湘閣

城內元兵圍城宋安撫使李芾坐閣中命帳下沈忠殺已

卽此

會春園

縣湘春門外卽開福寺地五代馬希範作宋張栻文集長

沙開福蘭若故爲馬氏避暑之地所謂會春園者寺之西祔禊亭
下臨湖光舉目平遠自爲此邦登覽勝處也

葵園 縣南亦馬氏所建

梅園 縣東宋張栻詩江梅忽秀發邂逅成賞音

文昌塔 縣北三叉磯明崇禎中建

湘春塔 城外唐開元閒法華禪師擲錫草地得精鐵數百鈞鑄佛
像三兼造是塔

飛虎寨 縣北門內宋知潭州辛棄疾建飛虎軍於此舊傳爲關壯
繆與黃忠戰處今建廟

碧湘宮 善化縣南五代馬希範置宋陶弼詩城中煙樹綠漫漫幾

處樓臺樹影閒天闊鳥行疑沒草地卑江勢欲沈山

九龍殿 縣西通鑑晉紀天福四年馬希範作九龍殿刻沈香爲八龍飾以金寶長十餘丈抱柱相向希範居其中白爲一龍其幞頭腳長丈餘以象龍形

山齋 縣嶽麓山宋劉琪建張栻有詩

四絕堂 麓山下唐乾符中建袁浩作記四絕蓋指沈傳師裴休筆札宋之問杜甫篇章宋蔣之奇謂沈杜固無閒言裴本學歐陽詢書寺幸有詢四大字當爲一絕又不應近舍韓愈詩遠及之問乃更爲詮次去裴宋增韓歐其後周必大又合古今同異之論衍四爲六作六絕堂文天祥有衍六堂記